

四庫全書

集部

欽定四庫全書

御製詩三集卷二十八

古今體一百二十四首

癸未二

御園新春即景

於無停處識常停
試看生萸與落萸
背日水光難戀白
向陽草色已含青
寧誇池館消閒暇
雅喜詩書悅性靈
春意昌昌知幾許
最宜玩是未全形

含經堂

義府樂堪循與稽對古人多聞惟擇善切已在勤民鼎
篆蘭煙直窓含旭影新盆梅舒幾萼又是一年春

戲題皆春閣

青陽有意到根荄造物無心栽者培綵勝華鐙都在架
笑子過節始言來

益春書屋

書屋實清怡益春額畫楣隔年如昨日即景信斯時鳥
有能言調梅開遞信枝箇中親切句惟願萬民熙

題祁序江山放牧圖

春水綠生陂春牛出牧時
寢訖都順適蓑笠各齎持
趁雨羣興鍾偷閒或奕棋
傳神見祁岳宵雅引遐思

沈德潛進呈後遊攝山詩十二首走筆和韻並書

長卷賜之

遊山興何如似拈花於鏡
要寓意不留是謂能濟勝
揭讀十二章景概當前映
鬱彼翠微間我曾尋竇夏
迴鑾理萬幾境與雲俱淨
廓然付大公魚鳥任飛泳

右綵虹明鏡

攝嶠秀而竒應為金陵寂同人舉勝盤其月方為允或
靡謝安步或挺劉焯背取適在觴詠寧云望門拜幽居
于焉憩真若忘憂界吾知憂未忘金闕江雲外

右幽居

疊樹扶蒼巖迸泉垂碧澗委宛藏佳處結構得禪院無
一物不度如來之本願譬諸彼定水有投斯必濺窓羅
就寫嶺峯階俯猴江汧強名般若臺般若是真幻

右般若臺

三年飢桃花夫豈礙天治忽然漆桶破隨喜都瀟灑何
物為波旬何物為般若露柱設授筆燈籠為之寫我非
好談禪聊爾遊戲也

右桃花澗

傑豎生紫煙羣嶺繆相障苔樹為眉髮雲霞為色相對
之或屬詠天機發意匠其下有石泉一泓白雲上屈曲
成細注出寺乃奔放故予散步處指點猶能狀更憶小

閣中憑欄曾騁望

右紫峯閣

一峯高下疊其象曰如帽時物豈古稱易名從吾好僧
紹此徜徉有似披裘釣苟知茲所題延賓合迎掃沈約
實起子崔琰或可肖夫惟君子德足貴千秋耀

右玉冠峯

巧匠斲層巖現茲化身佛飛來並有之是二還是一設
如執象求青蓮亦俗物大地一坐具而況此嵌穴老沈

抑揚間澗擬迷津筏我為引伸之拘墟可盡豁

右千佛巖

岬嶂走平陸四山蔚松色陸松祇九株卓立皆殊特如
少園侍老如星同拱極一例植物中栽培天所錫貌古
蒼亦潤性剛曲皆直憶彼童童側展席曾宴息不徒長
言之命筆寫勁格

右九株松

見山樓下崖忽如翻波皺洑渙動皆定疑有蛟龍伏浴

漶險而夷又若駉駉驟是間恣逍遙真勝雲巖奚必
擬乘桴一往浮海走歸路擘煙霞相送有林狖

右疊浪崖

言入萬松路不覺衣冠肅松間有高臺盆植梅和竹終
古結三友那涉涼與燠昨春之所逢題字壁餘綠却憶
諸人遊秋風正滿谷

右萬松臺

泉源時䟽剔何有於淤滓回回出不窮就下流益駛為

澤欲旁及詎宜靳牆裏導之溉稻梗實云利閭里斯人有斯言故予意所喜

右白鹿泉

泉掛澗下飲松出巖旁努千盤造窳高豁然堪望楚詩人遊九秋徒步謝輿馬大江濯胷懷清湧蘭波潄鎔得五言城其氣盛於虎柳韋乃見今陶謝不獨古驛致喜清逸和韻乘興鼓寄詢雲霞間可曾遶西姥

右窳高峯

題元人青山白雲圖

千層疊樹兩層山一片白雲亘谷間
大似木蘭秋八月尋聲哨鹿每忘還

春正萬壽山

元宵雖過尚春正勝日初韶問景行
草紐綠生依旭嫩柳稊黃放搖去聲風輕橫雲壽嶠萬年壽新水明湖千頃
明騁望六橋阿那畔載陽耕織重關情

題宜芸館

古芸插架通清馥
暢好敦稽攬德輝
屏嶺當前還鏡水
極深得要在研幾
渙兮已若看冰釋
點爾何如鼓瑟希
艱致常閒此枕藉
義經妙處晰精微

含新亭

天地無言有化工
貞元疊運不終窮
虛亭何似似方寸
妙理生機蘊箇中

石舫

書畫煙雲足靜娛
牙檣桂棹底寧須
昆明水泮新波濶

便似神遊泛具區

邵窩

山陽就小凹精舍得一區有如百泉上康節之所居因以邵窩名境似志則殊安樂一身彼安樂萬方予大小分既異艱易寧同途佳名實未副思艱惟曰吁

水泮

水泮新水明漪瀾鋪萬頃鳬雁有光輝羣浴蘭波冷矰鰈底須施生養當春景自幼讀聖經絜矩發深省財散

則民聚不敏事斯請

再題惠山園八景

載時堂

禹錫休方陋室馨
稚圭見說草堂靈
而今擬問豁庵者
曾幾春風秋月經

墨妙軒

千古風流五合傳
無過平聲過去去聲眼
幻雲煙茗華若識歸

真處同異誰真白與堅

就雲樓

就山樓額就雲名常見雲從樓裏生樓自靜而雲自動
就還雲耳豈樓誠

澹碧齋

春水初生瀲碧漪澹然滌慮偶憑之設方明鏡原宜照
萬物形形色色時

水樂亭

宮商角徵曾誰號水石山林亦強名明此方能知樂本

與君同聽太初聲

知魚橋

幾箇文鱗水面遊
偶因浮豫識莊周
緊予樂欲公天下
那向區區在藻求

尋詩逕

一卷當谷下臨陂
步入幽深總合詩
便是三唐多作者
箇中滋味幾人知

涵光洞

巖圍牝洞豁中央不盡虛涵不盡光試看珠含將玉蘊
大都能顯在能藏

馬麟靜聽松風圖

傳神非阿堵耳屬在喬松生面別開處清機忽滿胃濤
聲翻未已蓋影佈猶濃公物千秋付休言弘景重

草色

草色日以深可識由漸始今年春信速條暢已佳矣鴻
雁向北迴蠛蠓因風起堯咨在允釐禹惜卽於此

梅英

梅英落已半江國方始開詎北暖南寒蕊苑枯倒置栽火
迫與天然孰為栽者培植學戒欲速萬理無不該

唐寅空山觀瀑圖

飛流落十尋立聽老松陰笑彼逃虛者趺然喜足音

正月廿九日瀛臺即景

御園鐙節度侵尋有事還宮清蹕臨路便瀛臺片刻攬
冰融液沼一篙深盼來二月柳開眼信遞羣芳梅啓心

敢曰對時春可樂維王不易惕難忱

愛翠樓

竹樓枕碧岑

樓在竹林中非如玉偶所云以竹為之也

四季翠陰森假藉

黃岡記徘徊君子林由來非覆瓦亦可聽鳴琴世慮無能遣民艱每厓心

虛白室

得蹊緣峭舊坐室愛虛明悟動恒歸靜惟虧善保盈何須誇騁目適可足怡情綺句茲無藉虞汙筆研清

補桐書屋口號

老桐枯已久補桐枝復糾流陰窓隙馳試問可補否

液池泛舟三首

飛龍蓬島御風輕

蓬島飛龍液池舟名尚前明物時加修飾供御用

暢好液池

新水生却是西濛人不識直云天上坐而行

時愛烏罕等部陪臣

請瞻仰御舟允之並喜詫以為得所未覩

盆梅隄柳爭春色岸芷汀蘭勒水芳何必其來盼衮衮

會看一到去堂堂

玉竦金鰲亘卧虹承光樓閣倒涵空勝朝遺跡春明夢
殷監兼存水監中

猗瀾堂即景

畫舫教維液沼濱書堂仍復俯漣淪
繫吾意每觀於水
懿此時方壑以春樹鳥對鳴如喚葉池魚學躍尚矜鱗
輕陰瓊島稱景可土已滋膏慮雨頻

道寧齋

插架芸翻富縹緗每來綈几足相羊
百王誰弗求寧者

以道應思朝夕獲

古柯庭

槎枒枝覆屈盤根爾許生機箇裏存
竭對古柯集遙思
去聲古人可得共談論

畫舫齋

此畫真稱畫不舟却是舟那隨帆處轉
常在鏡中游拂
以和風漾拍哉春水浮雖非巨川濟作楫豈忘求

題張宗蒼盤山別墅

菁葱翠窰層林幾年頓置題吟宛復伊人對面居然佳
境謀心忽憶盤山別墅曾教健筆背臨了識一切為法
六如何昔何今

正月晦日作

青園鐙節度蹉跎紫禁幾餘靜賞多今歲正平由舊歲
視三分春又一分過乍聽回雁思花發為習籠鶯選墨
磨逐景那愁明月盡對時且喜協風和

直隸寧津縣民李友益壽一百三歲子孫曾元五

代一堂賜額旌之並成是什

期頤旌瑞見常年

每歲題百歲本皆
有廿餘一例賜旌

罕覲如斯五代全

百歲春秋侍孫子一身矍鑠撫曾元
倬邠懿範猶當遜

崔氏一門
四代同居

羅賓高齡祇獨傳閭里淳風世仁壽養恬引

欲溥垓埏

題米芾設色雲山

希見螺青畫誰云鵲突圖野橋孤嶼接傑閣疊林扶露
氣濛濛潤山容了了殊貌為水墨者安識此翁乎

二月三日幸南海子有序

紫籞敷筵乍過頒春以後紅門候仗方當作社而
前念西潏陪使將歸俾南苑首途載遣時乃日長
熊館草痕細簇馬蹄風暖鷹臺林影徐翻鳩羽得
氣驗神臯溫宴古苔已綻雙槐循名知陸海膏腴
新溜常飛一泊爰徵近衛還叅典屬材官偶試初
圍不校司衡簿正值嘉暈昭蘓伊始詎效三畋臻
遐陬綏靖以還寧弛九伐眷爾朝元奉表未預隨

獵騎秋行浴子紀歲留題頻迴憶軍書夜治因抒
即事以誌緣情

慶節難辭宴賞頻詰戎欲示遠徠人橐鞬御馬非從鹿
帕幘趨塗仰集鱗信宿言旋寧玩日羣生資養惜當春
武成猶此不忘武王國聲靈被海垠

謁元靈宮

規制仿光明

是宮建於順治年間蓋仿京都光明殿之制光明殿則明朝所建也

年深喬

樹成蓋緣福萬物詎是媚三清驅過可無顧入瞻祇屏

營前題一再讀今昔定誰名

入北紅門小獵即事四首

出城十里到紅門近也虞丞典制存却歷五年方一至
迅哉何以駐高奔

朝家武備萬方欽畧示西戎寓意深何必三驅誨他藉
此來本不為從禽

苑中小獵心猶喜習氣了知未易降臂痛雖然艱射鵠
馬馳中去聲兔尚連雙

廣甸土蘇多作寧揮鞭視馬力徐馳為思積潦疏消處
春種可能不誤時

永慕寺

聖藻煥痕釵

寺額祖御書也

皇依依永慕懷見之於

大舜盖以奉

思齊翠陰禪林葉綠回忍草
荈獵餘遊淨界詩句自安
排

舊衙門行宮即事

別館駐旌旂森然古樹稠庭軒去卑濕翰墨足優游潦

盛將成圯年深事重

去聲修舊衙門行宮蓋仍明季所有經百餘年未大修葺去歲霖

潦漏圯益多奉宸請內帑重修煥然一新

絜思杜甫什不樂祇生愁

蔭榆書屋

當庭一樹古葉意欲舒然老屋仍三架不來向五年有

書讀無暇舊句續新篇綺縠茲應屏

上聲觸懷總靜緣

德壽寺

花宮火劫後重新

是寺於乙亥年遭回祿因重新之落成後至今又七年矣敗是成

因成敗因調御丈夫都不較如然法爾示於人

夕

眉月又西懸行宮景倍妍且過鐙火鬧饒領研甌緣摘
句娛清夕攤書憶往年便宜前度者望捷正無眠

南紅門行宮作

稍加脩葺落成歌走馬來停閱若何既弗聽其就頽圯
亦無能此久延俄因思間者率應少大抵愁生所欲多
試射門前悅

仁祖春風四十一年過

暢遠襟軒

詭石弗羅墀縱觀雅得宜
盆花仍焙蕊樹葉未抽枝
適纔去聲臨春仲無過坐片時
遠襟付誰暢虛室不言知

海戶謠

海戶給以田俾守南海子
常年足餬口去歲胥被水
以其有恒產不與齊民比
賑貸所弗及是實向隅已
我偶試春蒐掃塗仍役使
藍樓洵可憐內帑寧惜此
一千六

百人二千白金與叶稍以救燃眉庶免溝中徙並得貫
麥種青黃藉有恃道旁紛謝恩菜色頗生喜爾喜我所
慙過不他人諉

春郊

春郊沮洳率成泥馳射還教陷馬蹄此亦何妨慮東作
大田趁候那興犁

禱言

弗善馬射者弓力欲其弱善於馬射者弓勁乃氣作臂

痛步射艱馬射猶自若可與知者言不知如蠟嚼木蘭
九月回數月久間却春風小試蒐豪情殊踴躍狡兔連
中雙是蓋夙所學以今屈支觀一亦艱射著隔宿手已
胫臂疚增於昨習逸所致然言之面先怍昭烈髀肉生
其歎有雄畧枚叔譏肥膿命曰腐腸藥襍言鮮錯綜藉
用自斟酌

新衙門行宮疊舊作韻

三處行宮兩宿移春風小試漫淹遲無過武備示規意

是來本欲以行園之度示諸回部故啓程
之日咸令送駕而去信宿還宮即御經筵
講時昔往今來真迅矣民情物理慎思之
皞熙未致伊誰責縱曰知難亦底為

古秀亭

度來十笏猶為少納以三千亦覺餘試
凭綠窓靜觀物應知此語信非虛

陶春室

春草綠侵階春禽入聽諧陶春自老屋
坐對始知佳

補槐

宮槐行

陽韻

數闌周視有需補侍臣或進言一笑聊聽取

舊樹幾

上聲

合抱新幹何時伍咄哉舊拱把輪囷今乃覩

十年百年計更非所語汝

澹思書屋

寧誇芝篆餘釵腳喜對芸編在案頭
馳馬射麋近豪放
澹思有藉此優遊

裕性軒

几席有餘清春風暫駐旌馬嘶牆外草翬煥屋間甍稽
古遙懷託居今靜趣生玉蘭猶未放

庭中玉蘭甚古昔曾有詩

小憶

昔年情

春雲

春雲吐西山彌空忽幡纒青郊方灑汝已覺艱舉趾弗
雨斯乃佳旋聽風聲起盡吹雲捲去意乃為之喜回憶
往年春雲生盼雨矣聞風便已愁那有喜之理人情好
惡殊翻覆有如此

廻鑾口號

紅門以外大街臨過去前朝來者今三日往還詩廿四
番風一例發無心

王紱溪亭夜讀圖

四山夜色已蒼然高士觀書未肯眠詎是天人勤董策
或疑花木補嵇編

春仲經筵

春風東壁啓文軒書蘊經微細討源自是鴻儒曾有話

孔懷赤子未能言

是日講大學如保赤子三句易經咸速也二句咸恒實具乾

坤體速久惟應天地尊

訓詁家向泥六子長少相配以世俗夫婦窺聖人序卦曲為損

益不首下經之論自生支節不知下經首咸恒咸即天行之速恒即地道之常其為乾坤具體本直截了當因儒臣講畢

詳論示之

闡繹詎云循典故欽哉絜矩箇中存

題和闐玉觀梅圖

都道梅英似玉開
今朝真見玉為梅
並肩高士凝眸望
縮地和闐鄧尉來

仲春齋居

遷坐此致齋

封土將舉祭當春虔祈春因地凜事地端居勅政務縈
念籌民計吁茲畿輔間連歲遭災沴麥收斯更要藉以
青黃繼仍籲大田登庶稍復元氣三時尚遙遙時若安
可必叶微誠詎能通

厚貺實深覲

文徵明絕壑鳴琴即用其韻

班荆陡澗飛泉處不必劇談琴寫心欲笑移情伯牙未

過時猶復憶知音

安集延七首

持短入長不踰尺應速用近兩刃窄水晶為靶月芽直
筠沖插腰豫戒迫感我厚澤貢弗惜徒觀美理霜雪色
纏綿經冗金錯飾漆龍文鞘偃蹇自來非擬鄧遵得
錦袂褫更檀匣襲用昭絕域兵戈釋

張宗蒼松溪煙艇

萬松繡嶂青排戶一水鎖溪碧映門誰道江南泛舟去

呼之欲出此人存

仲春祭

社稷壇

春有事巡狩代儀已隔年

去歲壬午南巡遣官恭代未得親祭

茲當躬

必祀無任意變虔五戊遵今古三牲卜吉蠲祝釐懷歲
際迴憶歉秋連益用增慙德惟祈利大田載芟誦周雅
示本見真詮

淑清院即景

西壇歲事轉西華西苑更衣路不賒松竹四時常秀野
峯巒百歲鎖谿研已看春意淑而鬯更聽泉音清且嘉
欲識箇中真妙趣鳥能言候却無譁

韻古堂

古堂貯古器筍席得從容帶水方生芷屏山惟植松允
宜協六律誰與論三雍設向在懸叩端應是夾鍾

千尺雪口號

聲為響雪色寂雪茗椀竹鑪稱雅陪訝似寒山昨春况

臨溪祇欠幾枝梅

春耦齋

片刻傳餐去

暢春將問

安五牛聊閱古

是齊貯韓泥五牛圖向有記

一堦尚餘寒農務惟心

塵春光舉眼看行當試耕候咨爾上林官

菊香書屋

屋無長物有詩書暫爾盤桓意淡如四季淵明趣具足

東籬欲笑尚拘墟

題澄觀堂

水裔敞書軒清波綠映門風紉細紋灩月鏡靜機存茹
古涵今永學詩說禮敦澄觀圖底事出治審其源

詣

暢春園問

安即事書懷

還宮有事忽踰旬返蹕詢

安詣

暢春雖是言傳恒悲

豫究之

色養不如親景將明媚園疑繪晷向舒長漏似逡題額
堯年貽寶篆

海涵從識物懷仁

前湖

御園之前本無湖而今疏濬胡稱乎石衢之右地下隰

邇年遭潦水占諸衢左亦不大高衍往來車馬愁泥塗
因卑為澤事惟半取右益左功倍俱歎歲受僱無代賑
三冬畚鍤集衆徒役成春水有所受路東寧去誠坦途
一舉三得惠不費對敷來者咸歡娛蓋聞王者無私事
有事皆應史筆書此非綴景漫修剔什用播告賢與愚

仲春御園三首

十日還宮詎覺賒春光爾許暗中加綠深階草全舒葉
紅潤山桃欲放花

風軟雲輕少霽時花光柳態鏡中披邇年大有江南意
調變其間一付之

山禽啅樹不知名春入能言盡作聲萬物乘時欣自得
吾民飢溺那怡情

橫雲堂即事

今春每不盼雲生却是山堂每副名恰正片時憑牖坐
又看幾縷拂簷橫有姿自爾卷舒態無定從來好惡情
顧我於斯何繫意恐妨沮洳誤新耕

學圃禱興五首疊舊作韻

清溪穿園圃樹果臨畦蔬其西疊林巒轆轤相輻輳既
以悅智仁兼用閱苑枯大似趙伯駒著色桃源圖

累石逾倍尋為高因迴好竹入深益虛草經冬不槁是
謂恒春地況值光春曉賦詩何必多得趣每於少壯蟪
對西山峯嶺遙環抱

樵採濯牛山種樹十年資亦以潤嵐光化工真我師每
每原田間騁望農桑知嗟哉務本民逐利輕毫釐何當

胥還淳是用深慙之

猶憶郭橐傳曰有何為哉誠可移官理使我心為去聲開

分明注魯論老安少者懷

無暇此日涉成趣亦自美延攬數里外結念寸心裏接
屋非不佳狹廬縷乎彼先憂後樂懷范氏詮名理五字
韻重賡觸目常警已

戲題罨畫窓

煙雲供養信怡情席未曾溫覽便行笑似梁家誇博古

觀其大略不留評

本朝梁清標稱收藏最富然卷尾多用觀其大略印而不加評故戲及之

賦得輕儵出水

春水碧於油輕儵出水游
寄形如示幻得氣善垂浮
在藻周王豈呈珠漢帝收
未貪竿綫利寧慮釜鬲憂
躍胥無適濠梁詎有求
忘言亦莊語底更較知不

董其昌巫山雨意

米家墨戲惟神肖十二峯
前意渺茫朝去定歸上清界
暮來仍遇楚襄王

山桃花

往歲山桃開常有流風妬今歲山桃開風輕花滿樹恒
有仙露滋而無軟塵汙芳潤疑江南訝似梅英布於桃
實厚幸十春艱一遇於農貴乘時佈種慮遲誤

閒口號

常情閒則欣我閒意如失非欲故為異作所在無逸

張宗蒼草堂趺坐圖

去情端貴以神傳茅屋高人生習禪搜索煙圖每題句

笑予昔日失當前

仲春玉泉山

濱水山桃訝作梅
華滋春館小徘徊
新正忽爾因循過
開歲猶然初度來
塔影從知泯今古
泉聲全不惹塵埃
顧觀大畧無多暇
綴景真嗤底事哉

竹鑪山房

山房臨水山為屏
水光潋灩翻簷楹
松風泠泠恰入聽
引我惠麓之遙情
竹鑪茶鉞案頭在
烹茶早就伺無怠

獻勤亦莫怪區區文武火候誠難待

清涼禪窟

一朵青蘗空際栽，不根不莖四時開。清涼禪窟極樂處，

大士普門天竺來。

室中奉觀音大士
肖天竺像為之

笑我異同猶著相。

輸他雲水自無埃，片時得句幡然去。何必塵身此久陪。

練影堂

波光漾碧間，體物曰練比。帛紋縟麗者，形容曰如水。帛以水為佳，波以練為美。定論將誰從？總屬名而已。詎惟

水練然萬化皆斯理

靜緣書屋有會

至靜自當緣不起善緣何礙靜為宜誠然應復無文字
邈爾含毫又底為

題倚晴樓

和風淡蕩霽霄明
最喜高樓正倚晴
轉憶常年春二月
踟躕多屬望雲情

涵漪齋

山西最佳處水閣號涵漪是日披襟坐春風拂檻時湧
瀾文有似翻壁畫稱奇今古興觀影空明付不知

犁雲亭即景書懷

虛亭開向遠牆外每

平聲

原田每當憑欄望載笑呈目前

今春鮮狂風潤溽隰畛間却虞多沮洳吾民興鋤艱因
悟人間世美善鮮無全天地猶有憾奚辭為君難

自玉河泛舟至石舫得詩三首

輕輿趁曉玉泉遊薄午歸開順水舟幾疊帆筠拂煙出

兩行岸柳受風留

岸轉橫陳耕織圖耕臨候矣織猶須艱哉衣食勤民本
此志何時可暫無

溯游還復因風利一瞬舟臨石舫維彷彿舫如向舟語
去雖艱動轉不他資

無盡意軒

疏軒無盡意為名結攬山清復水清因悟不寧惟是矣
有誰能盡世間情

圓朗齋

水山仁智樂斯兼
智朗仁圓體物拈
試看波心峯影印
至流動處至澄恬

近西軒

陶詩稱夕佳
蓋有取山耳
李詩云弄月又復資於水
緊我近西軒
山水胥裏許
叶西峯倒影來
明湖浸光起
滉漾峭蒨間
想像難為擬
不如憑蜃窓
忘言皆備矣

味間齋

閒中趣味箇中宜應付閒人一味知偶爾來無暇暖席
味閒笑我此何為

清可軒題句

海雲山包屋浮玉屋包山清可信清可用中執兩間翠
壁屋內張碧峯屋外環三間雖不多表裏邇屢顏題句
以歲增厯厯緬遊攀造物無盡藏取用伊誰慳

水周堂

春水溶溶滿春堂號水周靜含心不息動認性隨流白

芷漾紋細綠楊蘸影柔須彌齊棗葉何礙芥為舟

岑華室

引水落石巖懸流不一足飛為光上下散作波漩復幽
室據峭崿迴環俯溪谷欽崙擁階砌清華映林木塵襟
既云滌春事日以淑却似青芙蓉調御鉢中郁

御製詩三集卷二十八

欽定四庫全書

集部

御製詩三集卷

二十九
三十

詳校官侍郎

臣謝墉

助教

臣常循覆勘

總校官原任中允

臣王燕緒

校對官中書

臣

蔣寬

謄錄監生

臣

劉天綸

欽定四庫全書

御製詩三集卷二十九

古今體一百二十二首

癸朱三

花朝

今歲花朝好花姿日日添有風惟淡蕩不雨亦濡霑絲
縷禽言拂錦鬚蝶夢黏宜欣却常憾飢溺厖蒼黔

文徵明草堂對坐圖

榕樹森森蔭草廬劇談試擬意何如因提以上相商權

不是萬言時事書

即事

山東河南山陝西率稱得雨新耕齊畿輔今春似江國
英英每見生雲淒翻成懼雨實未雨私心額慶堪興犁
常年設遇報雨足斯弗雨為愁蹙眉而今喜彼霑膏澤
復幸春霖乃逌茲人情無定有若此吾猶未免何恠其
誠因去歲被霖潦沮洳待涸東作時嗟予調幕乏良術
慰以為愧觸緒題

題漢玉璧

土華盈手璧璘璘大孔規圓製朴淳進道不如先駟馬
同心有若擲河濱誠看特達經千載言念溫其見古人
質以天全容以粹世間燒染自紛陳

得春亭

物物心中皆有春而胡此亭獨稱得春寧不到此亭乎
試看形形與色色譬如芥子納須彌箇裏無廓亦無窄
是非亨鼎豪紋頻義經妙義詮來真知者見之謂之知

仁者見之謂之仁

含韻齋玉蘭花

今年花事早春仲玉蘭開好未曾爛漫雅惟謝蕩駘明
當巡蹕啓暫可擘牋陪古屋斯含韻寧論去與來

降旨加展粥廠賑期

州縣極次貧賑期具常例五城設粥廠以補賑不逮州
縣賑既加粥期可獨置申命概加展四月下旬暨言念
連歲滂吾民實彫弊救不遺餘力猶恐鮮實際愧無調

變方遑有損益計

唐寅樹根詩思圖

把筆欲吟句句從何處來樹頭風自響豈復有為哉

啓蹕恭謁

東陵即事書懷

上

陵兩歲未東行減從春朝載啓程便覺翹心盼松柏況
逢冷節近清明綠田嚴戒相輕躡黃土深懷有曠耕歷

歷憑輿切切念民艱滿目那怡情

東嶽廟瞻禮

搏捥當年秘監稱震方

青帝用禋應岱宗望秩自虞舜宰執猶聞似魏徵有事

維新閱年久

廟葺於康熙四十一年因歲久剝落命工出帑興脩乾隆辛巳落成茲以謁陵

途便復來瞻禮所希盼嚮佑民蒸便途瞻禮欽

明赫時若虔祈錫福仍

煙郊行宮作

潞水浮橋過驅車廿里途行宮卓午到春景昔年符為
見新耕少亟籌舊潦輸芸惟將緝兒縱好不知娛

降旨再加賑直隸並逮五分災民其不成災者亦
與緩徵更命借給籽種毋誤春耕

六分災者賑五分格於例新正命加賑五分極貧逮然
其次貧者尚未被予惠三月況期滿四月何為繼用是
再沛恩普加一月暨五分極次貧均霑俾無異庶知課
科法五分緩徵稅四分不成災仍有輸將事畿輔連歲

歉民有日窮勢豈宜亟催呼重為吾民累勘不成灾者概與緩徵既更慮東作候籽種猶艱致貸予毋誤耕庶可有收企凡此示大端推行在羣吏相與善補苴敬待西成賜

三河縣

三河縣即五分灾賑不當加例所該體貼民情亦同苦恫瘝予目得親來因教格外施恩惠冀稍溝中救草萊稽首道旁紛老幼爾言謝我早慙哉

見耕者

往歲見耕者不過為色喜今歲見耕者欲喜早憐矣所
憐務本民忍飢藏種子勤劬耨濕田以冀新苗起三時
尚遙遙此際敢滿擬其艱致種者借予已有旨滿目視
如傷侍臣曷從揣

麥苗

迤邐東來見麥苗青黃之接尚云遙問間一圃籌為繼
玉食雖佳悶不聊

白澗行宮晚坐

逐頓有行館居停省負馱依然昔春景
愁若此番過農事方興矣民艱嗟奈何
一宵原不旅數字已嫌多

晚陰

春晚復生雲春山遠藏影沮洳涸未盡
慮雨心耿耿十歲九愁旱見雲已冀幸
今來乃懼雲無定惟情境好惡我猶然
民君用因省

薊州道中四首

幾片春雲欲放晴
薊邱廿里驛鞭行
最憐農父黃牛瘦
借種相將趁濕耕

常年村舍見高困
澇後今多菜色人
寬展賑期終四月
尚希麥熟救斯民

春煙輕冒綠楊絲
高處猶泥可識低
偏是盼風風却少
散之冀遍舉耕犁

忽晴忽晦江南景
不暖不寒薊北天
設入丹青真妙格
吾惟憂切厯農田

過獨樂寺

城頭見剎竿，雁閣入雲端。
猶有青蓮蹟，堪同白社看。
春風暫經過，昔日此盤桓。
獨樂誠無繫，胡為施六檀。

隆福寺行宮杏花

門前一株杏，老幹有新花。
剛共東風至，又看午日斜。
桃經御園謝，梅漫石湖誇。
驀爾和嬌態，相逢亦自嘉。

再題隆福寺行宮六景

翠雲山房

翠雲山房以何名別峯無樹此獨有有樹兼多柏與松
是以四時翠雲厚其故以何又得言蓋因絕壁人艱走
松柏抱石挺蒼根牛山斧斤所不受世間凡木喜軟土
不遭盤錯焉能壽

翠微室

山未及上曰翠微室在翠雲其半截春來青縹色更濃
紗窓正對巉巖列忽疑杜老之江樓那數閣丞所改設
片刻成吟信宿去虛室名山千古閱

碧巘丹楓

碧巘千年自無改丹楓三秋則有待我來多值春之日
楓雖未丹丹意在其中權衡誰所司谷神不知有真宰
太空冥冥弗可名是即丹碧所以乃

天半舫

雲為我水樓為舫春來真似坐天上且如太古無形初
樓舫水雲原一樣世間擬議自紛然試問誰真得名狀
挹霞叫月

朝嵐暮靄無定容
寫出軒楹渾可挹
東岡復見玉輪升
叫之儼若當庭立
稚圭高致詎其遙
太白豪情不易及
春風閒館偶相於
孔李事非我所急

翼然亭

西軒北轉復東折
緣壁羊腸數十武
石臺連屬廿餘級
乃得小亭俯林莽
津津逮廬陵之品
題實覺軒軒欲飛
舉每來遊目頗極
娛何以今番意常
憊渴期麥長黍禾
耕稍救吾民資二
鬴

恭謁

孝陵

定鼎甲申歲垂除事可論

本朝驅除流寇而得明天下
唐宋固不必論較之漢明開

瓶為尤正宅中溯

功祖繼序逮惟孫赤縣胥歸化黎民永被

恩椒漿抒敬慕揚觀意深存

恭謁

景陵

言瞬卅一載那堪迴首論扈陪依

聖祖眷顧異諸孫敢懈斯今志虞孤

在昔恩藉寧眄

冠劍雲日目中存

孝賢皇后陵酌酒

戊辰今癸未往事夢同論了識生歸滅

二月廿二日向
為皇后千秋

節故

寧知媳娶孫

彼時二孫尚在懷抱
今皆娶媳成家矣

彤編常紀德永

巷尚含恩憾憾誠何益無須結習存

桃花寺八景疊前韻

湧晴雪

細淙幽澗落層岑
石海分明玉作林
無意昔題湧晴雪

翻成今日憶吳心

吳中范園千尺雪最為佳景

小九疊

脉山白阜謝無暇
舉要稱靈靈以泉
九疊珍珠簾網地
掀開應見大羅天

吟清籟

已是緋桃霞色蒸叅霄松籟與清激隔墻調御如相謂
是四禪天竄上層

坐霄漢

適纔去聲登山遠自卑原從步步進無遺憑高坐處疑霄
漢為學工夫有似茲

雲外賞

右揖田盤讓作凡何妨享帚野桃榮致予一宿心遙寄
雲外歸途見薊城

滌襟泉

清泚何曾波浪起對來春日意如秋取之不盡用無竭
肯向山中鎮秘留

點筆石

幾間樸室據崇枅點筆搜吟句每超課以無心責有意
抽如春繭剥如蕉

繡雲壁

松蔚深青桃暈朱輕雲不礙壁腰鋪春郊切切籌農計

樂較前番意每殊

清明日桃花寺作

清明不雨亦輕陰
幾片飛英點客襟
杜牧司勳有迴句
漢家典制引悲心
桃花作飯花宮側
柳葉臨池葉影沈
掃却閒情歸靜寄
盤山明日試重尋

駐蹕盤山靜寄山莊即事二首

薊城卅里路非脩
山色佳哉見舉頭
矯意可云姑舍是
崇情况覺雅相投
不來又以兩年計
小駐無過四日留

了識林泉待吟涉正何礙與靜為謀

新誌披看似舊脩廿年遊豫憶從頭敢忘民食祈年志
幸罷軍書午夜投不改松青還杏絳正欣雲去有山留
騁懷今歲應難暢潦後農功切切謀

引勝軒

且未苟興尋勝去先憑冰牖引佳來取之不盡非勞也
會以忘言亦迴哉恰值春風方駘蕩問延秋月幾徘徊
宵衣旰食吾恒慣峯態泉聲此偶陪

韻松軒即事

往年頗覺厭春風
今歲春風正復好
於風已自不嫌聽
况聽之於松樹杪
泠泠謖謖響不已
八音繁會繹如皦
竭茲屬耳正何妨
風入松同相值巧

雨花室

文殊問處維摩答
一室繽紛天雨花
試看青松及紅杏
因風作響詎爭差

對山亭戲題

何亭弗與山相對獨是斯亭得亭名却笑千秋青史裏
幾人不向箇中行

雲林石室

抗巘葺幽居一亭十笏餘花繁山似笑葉嫩樹猶虛安
得捐千慮於斯讀古書咄哉此言失無逸可忘諸

農樂軒口號

點綴村房與稻塍圖同農樂有秋登潦餘滿眼飢寒狀
慙愧吾農樂豈曾

靜夜吟

夜靜復山深山堂松竹陰月如明掛鏡泉解暗調琴詭
石玲瓏影微風颯沓音無能領清福陡切恤民心

西峪三首

西峪人家也自清遊山路便此經行那無果樹春成畫
薄有沙田世業耕

高原應不愁霖潦下隰災多波及茲宣付有司勤體恤
向隅毋或致偏遺

杏樹高低各放榮
吉驄馭娑錦中行
好花莫漫相拘折
果實憐他盼熟情

天成寺

萬轉千盤歷花宮
靚面迎風旛皆佛
偈巖壑本天成遊
目宜淨土騁懷欣
好晴攜將新稿去
宣付翰臣賡

萬松寺

萬松之松奚啻萬
春來老色爭新鮮
嘯龍舞鳳籠峽路
夷峻開豁呈金田
下馬屏息禮調御
寺樓片刻聊周旋

幾株菁蕊窓正對翻濤不語意以傳譬如淮南忽變少
不變者在誰知然

青峯寺

盤磴度龍脈山陽達山陰燠寒頃爾殊松柏賴森森流
青固不改本性寒能禁積雪猶未消泉落層氷針綃茂
無所事跋馬刻削岑蓮宇亦已到四隣羅嶽崙秀色難
為狀金仙不動心自笑濟勝者猶然名象尋

望雙峯寺未至

祇園罷去寄遙吟遙見雲巖翠鬱森到即不點點不到
雙峯於此何容心

法藏寺

雙峯法藏本一路為彼多紆此徑來竟有風蘿掃塵跡
那無天花落講臺乙亥戊寅如是耳

乙亥戊寅二歲
舊作題壁間

揮

毫落紙何為哉戶外盤龍松落落有言奚似無言該

西甘澗

太行盤谷有泉甘韓序曾言李愿耽於此是同還是異

不能起問退之談

東甘澗

一峯兩澗隔西東石海中間有路通何必忽忽亟言去
山樓小坐韻松風

千尺雪作

迴跋遊山騎進停臨水居有聲皆入寂無色不涵虛陸
羽茶經在唐寅畫幀舒兩人似相謂小別兩年餘

唐寅品茶圖仍疊前韻

底須調水始烹茶就近餅罍煮貢芽恰似去年惠泉上
聽松得句也清嘉

半天樓

降外山還登內山山樓迴似半天間彼為賓則此為主
肩者勞兮興者閒何處不堪體物理於斯亦未忘民艱
巖風泛泛千林杪晴定宜耕為去聲解顏

降旨截漕米十五萬石以濟直省賑需

年前截漕五十萬用佐冬春賑貸資邇來青黃逮不接

民艱巡蹕周詢知部帑再撥八十萬仍慮難為無米炊
復留新漕十五萬以濟災後頻然眉從來救荒無善策
在盡心以補苴為示大端惟擴充要共者嗟嗟良有司

題鄒一桂東竺庵杏花圖疊前韻

暈紫霏紅千萬枝何來入屋一枝垂陡思乙亥春遊况
曾命儒臣設色為

花中金牘設開成甲第應教屬此卿底識傳神擅奇品
窺窓每見午蜂行

得概軒

既云山概斯全得何必尋山復命遊可悟從來無止境
不妨佳處一研搜

遊山遂至雲淨寺

遊山事非忙何必候清曉僕從羣飯罷山園出便道西
巖陽已多東嶺曦猶少蘭路濕無塵松籟翻偏峭叶石
林盤蠹叢耆域亦已造按指海印光如是禮三寶雲淨
舊寺名即景真稱好

東竺庵

自來稱西竺竺庵乃號東凡事有對者如色之與空膚
語請進之曰空不空同問無對者誰金仙坐庵中竺亦
非東西辯亦無始終得句策馬歸或或翻壑風

少林寺

盤谷依太行雲林寺每歲言旋自東竺津逮是嵩陽

嵩山

有少林寺此蓋仿其名

雙樹淨無我

殿前雙檜最古

三乘樂且常

常樂我靜為佛

四智假藉用之松門跋予馬衣袂尚餘香

古中盤

硯石如飛墮復留春來處處有泉流既云到則云停可
弗以高而以賔幽消得片時心不繫促成七字興堪酬
虛亭十笏千峰入芥子須彌即此不

再題千尺雪

咫尺園門路必經遊歸下馬便延停猶輸白石清泉者
火劫未來太古形

半天樓即目

冠嶺得高樓肩輿每憩遊念勞薄行賞

肩輿者勞輶
畧賜之金

雖

豫不忘憂薊野軒窓裏吾民衣食謀背臨章草在無逸

讀從頭

樓中有舊臨
章草無逸

朶山亭

蓮華萬朶色為青亭在蓮華心處寧不是道場極樂界
此圖誰得見曾經

延春堂即目

小駐山莊率值春延來春景恰宜人苔方綠處階迎午

花欲開時露潤晨泉別兩年響不斷松排萬障色從新
宵存晝養於斯久即目殷殷勵體仁

婉孌草堂

石城硯礪出堡隍小北而西陡澗俯過澗居然得草堂
堂在衆石巉巖所爭犂戔勢如雄婉孌何有於楚楚
詎始香光貯斯圖寔因貞觀聞其語人言魏徵疏慢多
以我視之覺媚嫵

題董其昌婉孌草堂圖

壁間石接庭前石戶外泉連畫裏泉不是天工能奪巧
一般安得蔚雲煙

聽瀑

山中瀑水多聽瀑恒於此出石弗轉顧落石復激起八
音所未該萬狀難為擬安得無事人對之究無始得句
即言歸勤民而已耳

池上居

蓄水為池上有居春來新水鏡光虛高齋自是恒如此

勝日無妨偶相入

聲入於

綠柳青蒲搖上下明亭暗竇閱居

諸求安取監寧須遠觸目開襟足起予

題澹懷堂

書堂倚碧岑
磨豁且深沈
展帙堪稽古
披圖又對今
觸緣信明志
契要總澄心
絜矩思為政
淳風箇裏尋

雲起閣

雲起山中風散之一天
晴景意為怡
非關好惡無端改
恐誤東郊耕作時

櫺翠樓

高低為屋倚山脩
上是平軒下是樓
應接何須道無暇
四圍總覺翠迎眸

貯清書屋

石上架山居石勢不可止
覆瓦於其上貯石我屋裏
受潤無內外皴縐苔紋起
張為生色屏卧作醉道士
回頭望山石原不分彼此

交翠榭

隔澗構虛榭飛廊宛轉通窓千峯竊峩樹四季菁葱雲
表今皆古鏡中色即空丹臺阿那畔彷彿見韓終

受宜居

春宜風與秋宜月斯室受之何繫情虛受人言宜我事
義經早已訓分明

杏花

山中萬杏盡開花石際松邊淨不華古貌寧當凡樹有
尋思佳喻在蓬麻

遊雲罩總上方寺作

雲罩高峯不可孤，竺庵來總便循途。
馬頭石訝空中落，人面雲旋谷底鋪。
小許堪稱大許勝，上方擬作下方呼。
更須造極觀全勢，薊野民艱厯本圖。

坐雲罩寺閣得詩四首

上方小憩復前行，怪石奇松面面迎。
陰巘雪凝尚冬色，陽崖泉落是春聲。

策馬崎嶇棧路遵，老松春日也精神。
青雲叢裏尋常過，

都是龍門傳內人

至止高峯拾級攀
兩年曾未叩雲關
僧無識字楞嚴掩
仍付阿難辨八還

開窓縱目寺樓清
萬壑煙收暢好晴
將謂侍臣知有喜
豈知喜在利春耕

千尺雪

遊寺暢攀尋歸園又憩臨
因思動靜趣總契知仁心
白水無終始青山自古今
迴看定光塔縹渺隔雲林

再登半天樓

園樓高已半天稱雲罩高當萬倍增放眼四禪天外看
一微塵裏較相應

過嶺至冷然閣作

昨日由谷登其勞不可當今日據嶺下銷人逸倍常乃
知勞逸本無定在乘其勢處之詳萬事不可數俚指鑑
錡待時而已矣拂谷清風笑我言不如御行之列子

再題貯清書屋

滿窓松石無非古一屋雲煙總是清
竭爾閒來竭爾去雲煙松石不關情

讀畫樓二首

詩或有應如畫讀畫何不可當去聲詩吟春風暖日一樓興怪石蒼松萬古心

是畫非真却是真較丹青更有精神試看摩詰東坡輩總號樓中讀畫人

隔谷聞道士誦經戲題二絕句

鯨鐘鼉鼓梵音流知為去聲肩輿隔谷遊出谷再過三兩

嶂梵音鐘鼓一齊休

宦者有緇亦有黃官差優孟換衣裳便真世上緇黃者
幾箇真非優孟塲

清音齋

玉泉舊題額

玉泉山清音齋康熙年間題額也向屢有詩非此

勝概此堪傳名

曷常之有欣於遇所投一時攜翠管明曉發華旂分付
高齋聽清音正好留

盤龍山行宮卽事

山莊四日駐遊興已云償小別松泉意迴看嵐靄光見
田觀易象逐頓憩書堂底是便宜事新成六十章

順義縣道中作

近北高原種麥多菁芊蓄眼慰經過幸茲那復能忘彼
疏涸畿南念若何

一夜風吹雲不散曉行幾點落煙絲誰知往歲渴思際
竟是今年踊懼時

風停雨亦未能成
卓午剛欣大放晴
行館城西知不遠
輕煙早見樹梢橫

順義縣行宮即景

多於十畝宅不過一宵居
容膝真安矣返身尚愧如花
迎人盡放柳背日陰舒
駐早還餘暇明窓自檢書

湯泉行宮三疊舊作韻

五載別行宮

戊寅歲曾來
逮今五載矣

春煙淡遠空儻來花弄影過

去樹吟風池館清
音在研甌雅供同底
緣心不憚惟是

屢民窮

湯泉行宮八詠

溫泉

炎液暄波能愈疾曾聞泉脈出流黃化工神運不思議
功德應教證水王

柳色

柳色沿途非不青愛他絲影蘸清冷吟情那許尋常綰
半六時中一宿停

池塘

溫泉瀉水碧池隈荷芰常於五月開
聞道瀟溪擬君子熱中可識有由來

玉蘭

後庭玉樹正榮粲香色天然與靜俱
底識風前饒喜意今春批判未虛孤

山亭

亭子雖然據假山也教遮邏有孱顏
田盤石海林天表

一例明朝想像間

游魚

四季溫波泳不涼
箇中撥刺箇分秧
問誰鹽醬能調劑
此是大烹般若湯

書室

書室還來偶讀書
古今惟此合稽居
設如刮目云相待
五載猶予祇慙予

官鶴

官鶴官糧賦有年竊糧鶴不語飢眠陡思散賑寧無此
一為惻然一惕然

賦得汜漣暉

琳池春水漾碕岸午風輕汜瀨千綃疊含暉萬燭明活
寧孫氏畫載憶魏家評澹蕩呈人監徘徊緬

聖情

瀾碧榭

綺榭蘭階臨碧池春風拂水縐瀾漪陸機文賦詮神趣

思發言流有若斯

敦素齋

軒齋多古屋題額仰

義文樸斲今猶覩淳風

昔即勤庭松饒畫格砌卉散仙芬肯構吾方勉益思尊
所聞

迴鑾詣

暢春園問

皇太后安

言返翠華巡詢

安詣

暢春

萬年視履吉十日慕懷申旭晷方長候韶光正麗辰更
思

對時昔育物溥歸仁

吳彬文杏雙禽

一樹穠華照碧江落梅五月不同腔彩鴛齊上橫枝立
為愛花皆並蒂雙

碧玉盤謠

碧玉之盤徑逾尺質本規圓色光澤準夷重器守世則

貯以馬漣可盈石穹廬玉醴斯陳席

準俗四月馬漣新得時置筵酬神詐

馬為慶謂之玉醴斯蒙古亦然但不如其盛耳

以招百福繁生息仁義不施攻

守易矯虔奪攘紛兵革休屠金人且弗惜玉盤自合棄

荒棘磕破邊角秦璽吮伊犁墾田耕者獲驛使致京飛

不翼取裁改作葵花式穆然完好綈几側湯之盤銘日
新德用識顙末茗華勒

御園暮春即事

仲春啓蹕暮春旋風惠氣清上巳天禁蘖有花皆簇錦
上林無鳥不調絃懶教問景尋芳埽饒切憂心憶涸田

疏蘖報稱纔退寸

上年近京窪地秋霖積水未涸昨命
兆惠增洩海河壩口並督同御史等

相度文安大城一帶疏消事宜據報各工減水日以
寸計皆地方大吏經理稽延之咎已有旨勅部察議悔

予調劑失遲延

欽定四庫全書

御製詩三集
卷二十九

風

邇日披風意頗欣
所欣概與掃輕雲
對花索任推春艷
望麥剛宜利早耘
蝶翅何妨翻弗勝
鵲喉奚厭喚猶勤
由來好惡隨情轉
巽二蓬蓬付不聞

御製詩三集卷二十九